


## **Наран**

**Наран, наран наашаа,**

**Үүлэн, үүлэн саашаа.**

**Наран наашаа бултайгыш,**

**Үүлэн саашаа үнгэрыш!**





Хабар ши юумши?

Хабар ши юумши ?

Хадын үбэрэй ургыхан гүш?

Халза малаан хурьган гүш?

Хабарай басаган гүш?



Пат парнаахан,  
Патан парнаахан,  
Ойлог шойлог,  
Одхон Нима,  
Оодон Сэрэмпэл.



## Минии гэр бүлэ

Энэ хурган – эжы,  
Энэ хурган- аба,  
Энэ хурган- хүгшэн эжы,  
Энэ хурган- Үбгэн аба,  
Энэ хурган- би,  
Энэ минии гэр бүлэ!



## Намар

Һайхан намар

Һалхилан ерэжэ

Һамар, мойһон  
Һархайба.

Үнгэ бүрин үрэ  
жэмэс

Үлир үзэм улайба



## Эмшэн эжы

Доктор Айболидтал бэлигтэй,  
Дэлгэр сагаан сэдхэлтэй,  
Эгээл намда хайратайхан  
Эмшэн бэрхэ эжытэйб.

Ц. Цыреторон



## Минии эжы


Ута хара гэээгэтэй,

Урихан хара нюдэтэй,

Хүн бүхэндэ хүндэтэй

Хүхюун минии эжы.

Д.Жалсараев



## Саһан

Саһан, саһан, саһан,  
Саб сагаахан нааданхай.  
Саһанай ороходо  
баяртайб,  
Санаар, шаргаар  
наадахаб.

Д.Доржиева





## Сэсэгүүд

Сэсэгүүд, сэсэгүүд –  
Сэл хүхэнүүд,  
Сэлмэг гоёнууд,  
Шара ногоонууд,  
Шад улааханууд-  
Яагаа найханууд  
Янза бүрин сэсэгүүд бэ!

Ц.Бимбаев



Баглаа сэсэг баринаб,  
Баранай хаража байхада.  
Доро дохиноб эжыдээ,  
Дуратай байһанаа мэдүүлнэб.



**Элдэб үгэнүүд олон  
Энэ ужам дэлхэйдэ.  
Эгээл сэнтэй үгэнь  
Эдэнэй дунда «Эжы»**





## **Эжымни гамтайхан**

**Эжыхэм нюдэндөө галтайхан**

**Эжыхэм намхандаа дуратайхан.**

**Эжыхэм намхандаа хайратайхан,**

**Эжыхэм намхандаа гамтайхан.**

**Ц-Д. Дондогой**



## Ургыхан

Гайхалтай нэгэ сэсэг

Газар дорооо шагааба.

Хабарай туруушын бэшэг

Халуун наранһаа һарбайба.